

青延
述山

皇朝史畧

三

中國第一歷史档案馆
藏書
210.247.15

21A1
A 58

皇朝史略卷之五

水府史臣青山延于著

男

延光校

清和天皇諱惟仁文德帝第四子也母藤原皇后嘉祥三年立為皇太子天安二年十一月即位時年九歲初文德帝以太子幼冲欲權立惟仁親王為儲貳以待太子之長而憚其外祖良房未決良房深憂之欲使太子辭位藤原三仁通天文謂良房曰懸象無變太子無他會左大臣源信有言於帝太子遂得不廢

初已下大鏡裡書

圖書 和圖書 遡



a 1 3 8 0 3 2 3 6 5 6 a

福岡教育大学蔵書

十二月始定十陵四墓之制獻歲終荷前之幣

按十陵隨時祭

置如七廟迭毀之制惟天智帝山科陵歷世不除云

○是歲僧圓珍還自唐圓珍

讚岐人空海之姪也仁壽三年如唐留学六年至是歸

是歲已下元亨紀書後為延曆寺座主延長中賜謚智證大師

紀畧

略○貞觀元年夏四月鑄饒益神寶錢○五月渤海入

貢○是歲祠八幡太神於山城男山石清水

是歲已下石清水綠

起○二年春二月帝始讀孝經○冬十月制以唐玄宗

御註孝經立於學官先是孝經用孔鄭二註至是始行

御註○十二月新修釋奠式頒行道諸國○三年夏六

月行宣明曆○四年夏四月詔參議以上令陳時政得

失○秋七月改六月十五日相撲節用七月上旬○五

年夏五月以下野準大國例是月天寒預霜○六年春

正月帝加元服參議大江音人參酌唐禮修定其儀天

子冠禮始此

參議已下中右記

音人德中令本主之子也

公卿補任

受業菅原是善

扶桑集

博學善屬文

續日本後紀

嘗奉勅撰弘

帝範三卷群籍要覽四十卷又与是善撰定貞觀格式

類聚國史○八年春三月應天門火延燒棲鳳翔鸞二樓初

大納言伴善男与左大臣源信有隙欲陷信以代之至

是與子中庸等燒應天門誣信所為右大臣藤原良相
欲案信攝政良房為奏直其誣初已下大鏡裡書宇治拾遺物語中庸據本書
既而事發覺使參議南淵年名藤原良繩鞠善男拘中
庸於左衛門府論讞善男中庸父同謀者紀豐城等當
斬詔減死一等流善男于伊予中庸子隱岐豐城于安
房豐城兄夏井亦連坐配于土佐善男參議國道之子
此性忍酷有口辯當官幹理察斷機敏而微倖逢迎為
人主所愛自為內記八年間累歷顯要終至公卿為人
褊狹好斥人短眾憎之初善男微時在佐渡給事郡司

一夕夢跨西大東大兩寺既寤語妻妻戲曰恐膀臂裂
善男不悅至郡司家郡司善相見善男至延接甚恭善
男怪而問之郡司曰子得異夢後當大貴而告之失人
雖至大官必不令終果如其言初已下江談抄著聞集夏井美濃
守善岑之子也為人溫雅有小學書小野篁最善隸書
篁稱為真聖文德帝聞其名召見夏井衣履麕弊左右
咸嗤之帝曰是疲駿也非汝等所知遂得殊寵天安三
年為讚岐守政化大行吏民親愛任滿將去百姓相率
詣闕願乞更留二年黎庶殷富倉廩充實及去吏民贈

遺一無所受唯留紙筆餘悉還之及為肥後守母石川氏聞而哭之曰吾子其不終乎吾聞肥俗貪汚恐吾子以清治之至是果坐事見謫出境民庶遮路悲哭過讚岐境百姓老幼逢迎道路哭聲相接數十里數年母亡執喪三年夏井多藝嘗從伴歌雄習圍棋工已過之文德帝與宮人戲藏鉤令夏井射之夏井曰小女青衣而簪白花者左手中之帝乃得之大喜又精醫藥及至土佐山澤所在采藥救民多得效驗○秋八月敕太政大臣良房攝行天下之政藤原氏攝政始此藤原氏以攝政始此

按公卿補氏人鏡裡書以為清和帝即位良房攝政準二宮給年官年爵然本書無明文故不取○九

年夏四月始置常平倉于東西京○冬十月右大臣藤原良相薨良相少游大學器宇曠遠有才辯好文學之士有大學生貧妻者時贈綿絹冬月多製衣被畀四學堂夜宿者仁明帝嘗調諫五石先令近侍試之近侍有畏難之色良相引杯即盡帝感其至心及登袞職專心機務當時放鷹漁獵一切禁止山川薺澤之利与民共之嘗建延命院以養藤原氏生徒病困無資業者以東京六條宅名崇親院收養宗族子女不餓自存者並皆

皇朝史略 卷之五
割封戶資給之○十年春二月建應天門○野火燒田
邑陵樹帝避正殿服錫紵御素膳輟朝五日○太皇大
后宮大夫藤原良繼卒良繼內麻呂孫備前守大津之
子也為人寬裕孝謹天至初為左大辨時南淵年名為
右大辨大江音人為左中辨班皆在良繩下良繩私語
人曰二人皆碩儒耆老吾齒少於二賢而職居其上出
入進退常有汗顏左近衛少將藤原基經少有風骨才
望甚高時論皆謂非常之器也先帝重其雅量最見親
重而今共帶四位吾豈帖席有少將帶四位者中將辭

職是前賢所傳也吾雖無古人之行竊懷慕遠之志久
妨賢路須早避之遂稱病篤不肯視事久之三人皆進
職而後就職良繩盡心奉上未嘗有過失又事後母以
孝聞時人以忠孝併稱焉○冬閏十二月左大臣源信
薨○十一年春正月立^{少子}明親王為皇太子○夏四月
大納言藤原氏宗等上貞觀格○詔以災旱減服御常
膳○秋八月太政大臣良房參議式部大輔春澄善繩
上續日本後紀^{八月已下續日本後紀序}○十二年春正月以大納
言藤原氏宗為右大臣氏宗中納言葛野麻呂之子也

葛野麻呂子
攝公卿補任

○鑄貞觀永寶錢○二月先是新羅海賊

夜入筑前博多津掠豐前貢絹至是敕太宰府令緣海

諸郡整備○參議春澄善繩薨善繩性周慎謹朴不以

已長加人為文章博士時諸博士各自名家迭相輕侮

弟子亦立門戶常爭短長善繩恬退謝遣門徒終不為

謗議所及年老聰明不衰文章加麗及疾病詔授從三

位○夏六月敕太宰府置精兵五十人於對馬島○冬

十一月筑後史生佐伯真繼告太宰少貳藤原元利萬

侶與新羅通謀下真繼於檢非違使○十三年春二月

始御紫宸殿視事承和以後天子日御紫宸殿視政事

仁壽以來遂廢至是復之○秋八月右大臣藤原氏宗

等上貞觀格○十四年春二月右大臣藤原氏宗薨○

夏五月渤海來貢使少內記都良香為掌客使良香博

聞彊記善屬文弱冠入學于時士習矜伐妍媸不分良

香嫉之著辨薰蕕論其略曰人有賢愚物有美惡人以

賢才為賢物以美體為美是故人之有賢才者名高物

之有美體者價貴庸詎謂無賢愚於人無美惡於物乎

若然則曲阜尼丘比培塿而無別紫蘭紅蕙混蕭艾而

不分何其謬也夫艸之有薰蕕亦猶人之有賢愚薰也
蕕也生一園之中皆有枝葉賢也愚也居二儀之間皆
有頭足人或不能辨謂無異同彼一賢一愚而世不以為
異或香或臭而人猶為同遂使賢愚一貫香臭同器當
此之時能視者視之而列人之賢愚能聞者聞之而辨
艸之香臭夫臭者生於道路牛羊踐其萌芽香者薦於
宗廟鬼神享其氣味今之君子若能杜絕鴟鴞之啄令
久其芬芳鋤除莠蕕之根無雜其穢惡不同器而藏當
異處而種則美惡香臭可得而明焉博聞已都氏良
文集本朝麗藻

香主計頭貞繼之子也

古今和歌集目錄主
計頭據文德實錄

貞繼本姓

系原弘仁中請改姓都宿祢

文德實錄

○秋八月以大納言

源融為左大臣大納言藤原基經為右大臣參議南淵

年名為中納言從四位上菅原是善為參議基經良房

之子

按系圖基經長
良子為良房嗣

年名因幡守永阿之子是善清公

之子也

良房子已下
公卿補任

○九月太政大臣良房薨詔贈正

一位謚忠仁

○十五年夏四月以皇子貞固貞元貞保

貞平貞純為親王長猷長淵長鑒賜源姓○十七年夏

六月太政官曹司廳南門隕雪○十八年春三月太宰

權帥在原行平奏請營壹岐水田充對馬年糧割肥前
松浦郡庇羅值嘉二鄉建上近下近二郡為值嘉島置
島司郡領○夏四月大極殿火○冬十一月帝傳位於
皇太子帝性寬明仁恕舉動遵禮專精政事好讀書傳
鷹犬之樂未嘗留意故後世言政治者咸稱貞觀云○
貞觀末京師有白箸翁者不知姓名邑里皓髮皂衣常
出於市中以賣白箸為業時人呼曰白箸翁人問其年
每告以七十市中有賣卜者年可八十語人曰吾為兒
時既識是翁被服顏容與今無異聞者疑其有異術有

與飲食者取醉飽而止或涉日不食亦無飢色放誕隨

時不定人莫測其際後病終市門側市人收尸葬之後

二十餘年有僧見翁于南山居石室焚香誦經問曰翁

無恙笑而不答後不知所之貞觀末已下本朝文粹帝崇信佛法

既遜位居清和院常御不蔬蕞斷聲色後落髮歷覽名

山古寺還御丹波水尾山寺其後不復御酒醢鹽豉苦

修備至元慶四年崩于圓覺寺

外史氏曰甚哉浮屠氏之為醜也帝以天子之尊

身為沙門之行春秋未盛至去位而不顧其後字

多華山脫屣萬乘捨身佛寺必不由 帝之作俑也蓋 帝之崇信釋氏同軌梁武幸而寶祚未衰金甌無缺終免梁武之慨然貞觀以後外戚顛政權柄下移皇室不振職此之由安知承平之亂不胚胎于此哉

帝在位十九年改元者一曰貞觀皇太子立是為陽成天皇

陽成天皇諱貞明清和帝第一子也母皇后藤原氏貞觀十一年立為皇太子至是受禪以右大臣藤原基經

攝政○十二月尊清和帝曰太上天皇○是歲渤海朝貢○元慶元年春正月帝即位於豐樂殿時年十歲○夏四月造大極殿○二年夏五月以右中辨藤原保則為出羽權守討叛夷先是出羽倭夷叛燒秋田城出羽守藤原興世起兵拒之屢為所破至是攝政基經密召保則命以招討之任保則固辭基經強之保則曰必不得已請陳愚計恐公不能用耳基經固問保則曰蝦夷內附以來垂二百年畏服朝威無有寇逆今聞秋田城司良岑近者聚斂無厭徵求萬端故疊怨積怒以致反

叛夷種衆多遂相合從賊徒數萬窮寇死戰一以當百
難與爭鋒如今之事雖坂將軍復生不能蕩平若教以
義方示以威信播我德音變彼野心不用尺兵大寇自
平基經曰善保則曰今雖以恩信化之而醜類衆多猶
有不馴服者可以兵威臨之前左近衛將監小野春風
累世將家驍勇絕人遭讒免官願先令春風率精兵示
以朝廷威信然後以德招致不歷數月自應銷散基經
大悅乃以保則為出羽權守權春風為鎮守將軍保則
奉詔即發晝夜兼行道遇飛驒相繼報夷虜強盛官軍

敗衄之狀從騎十餘人皆莫不奪氣而保則意氣自若
殊無懼容春風至秋田營挺身入虜軍具宣朝命如保
則意於是夷虜叩頭拜謝乃競以酒食饗官軍豪長數
十人相率隨春風至國府保則召見慰撫時有渠帥二
人不肯歸附保則問諸豪長二虜不來汝意如何皆云
殊自有謀願暫畱寬假後數日斬兩夷首以獻之保則
即遣使撫納餘種自津輕至渡島雜種夷人前代未嘗
歸附者皆盡內屬保則復立秋田城壘柵樓塹皆倍舊
制出羽民夷雜居田地豪腴多產珍貨豪吏兼并私增

租稅悉加徭賦由是編氓貧窮姦猾多致富溢保則嚴
 設法令有犯者捕而案之百姓安堵邊庭無事時陸奧
 夷虜有詔皆至出羽取決初保則在兩備專以仁惠化
 之及是理之以嚴亦治云至是已下三善清○秋九月
 諸國地大震相模武藏特甚數日不止公私廬舍一無
 全者百姓多壓死地陷道路不通○三年冬十一月攝
 政基經上文德實錄三年已下文○四年冬十二月以
 攝政基經為太政大臣職仍舊○太上皇崩年三十一
 ○是歲創英學院是歲已下○五年冬十一月初嵯峨

廢太子高岳剃髮為僧貞觀中如唐求法在唐十餘年
 至是學問僧中權自唐上牒告廢太子高岳赴西域至
 羅越國而薨帝下詔痛惜焉初廢太子早升儲貳世人
 號曰蹲居太子識者以為不祥後果見廢○六年春正
 月以大納言源多為右大臣○冬十一月渤海使裴頴
 來以菅原道真權行治部大輔事與島田忠臣接伴之
 道真是善之子也是善子據公卿補任幼而穎悟一代年甫十一
 是善命賦詩立成是善歎異梅城後從都良香游太平
 貞觀中裴文章生對策及第裴頴稱其詩以為近白居

易林稱其詩已下

○八年春二月帝遜位於三條院帝

年稍長昏狂日甚作厩禁中飼馬三十匹右馬少允小

野清如以善養馬被寵權少屬紀正直好道術出入禁

中而清如最多不法基經悉逐之帝在宮中捕捉蛇蛙

或關犬猿令人上樹而拊殺之帝在宮中已祈年祭前

手及人基經深憂之欲廢帝會公卿議之衆議紛紜久

而不決參議藤原諸葛ヒロクサ按劍曰今日之事宜隨太政太

臣處分有違者斬之議遂決玉海承安二年於是公卿定策迎

時康親王立之在位八年改元者一曰元慶時康親王

立是為光孝天皇

光孝天皇諱時康仁明帝第三子也母贈皇太后藤原

氏少而聰明好讀經史容止閑雅親愛九族初為親王

渤海使王文矩見帝在諸王中竊告人曰此皇子有至

貴之相必登大位及陽成帝遜位太政大臣基經等親

王公卿奉劍壺勸進帝遂即位初基經欲廢陽成帝求

宗室宜立者諸諸皇子見之諸皇子咸裝飾見之獨帝

坐敝簾中筵席毀壞見基經止容自若基經以為有人

君度遂迎立之初基經已下古事談○夏六月恒貞親王薨初基

經廢陽成帝屬心恒貞陳推戴之意恒貞拒而不納恒

貞初在東宮好圖画或進偃息圖一卷命焚之曰此致

辱於所生也聞者歎服初已下恒貞傳自遭廢黜深好佛法精

進持戒及薨遺命薄葬務從儉率○仁和元年春正月

始禁參議以下著貂裘○冬十月敕太宰府禁私買唐

物○二年秋七月夜有長人見紫宸殿前左近衛陣有

聲如絞人者世謂之鬼絞○三年秋七月地大震兩京

諸司民屋多顛覆壓死者衆五畿七道諸國海溢人多

溺死○八月宮中無故夜驚京師多妖是月帝崩

五十八初帝多皇子然憚基經未言所立至是不豫基

經入卧内奏曰陛下万歲之後神器將付阿誰帝曰唯

公所擇基經曰以臣所見其惟王侍從乎王侍從者定

省也帝大喜召定省右執其手左執基經手泣曰大臣

勲勞莫大汝慎勿忘初帝已下愚管抄引寬平御記遂立定省為皇太

子是日帝崩扶桑略記葬葛野郡小松鄉後田邑陵延喜式小松鄉

仁和寺御傳世稱小松帝愚管抄在位四年改元者一曰仁

和皇太子立是為宇多天皇

宇多天皇諱定省光孝帝第七子也三代實錄母洞院皇太

后初任侍從賜源姓至是踐祚○仁和三年冬十一月

詔方機巨細皆開白於太政大臣基經扶東開白始此

撰開傳基經懇乞歸政不許詔曰社稷之臣非朕臣宜

以阿衡之任為卿任左大辨攝廣相所草也或告基經

曰公豈厭政乎阿衡位高而不預事基經曰然則吾閑

人而已命放廐馬訓四年春二月特詔關白基經

準三宮基經奏曰前詔云宜以阿衡之任為汝之任臣

不知阿衡之任心竊持疑近聞博士議阿衡無職掌苟

無職掌則崇高可知以臣觀之非所克堪然居無職掌

之地固臣之素志也帝大驚敕喻曰太政大臣援之先

帝保護朕躬功大德高不媿周霍去年下詔關白方機

而堅執間退之志夫歷代明王猶藉宰輔矧朕小子輔

導是賴而廣相草詔殊失本意朕欲廢政必先諮稟于

公而垂拱仰成基經乃奉詔○秋九月敕巨勢金岡畫

弘仁以後能詩者像於清涼殿記略金岡善畫尤妙畫馬

及後帝居仁和寺畫馬殿壁有物夜瞞傍近田稻人不

知其乃自後見畫馬之蹄有泥試刮其眼睛乃止著閑集

其子公望公忠公望子深江深江子弘高奕世傳業後

世繪事者以巨勢氏為宗云花鳥餘情○冬十月右

大臣兼左近衛大將源多麿略記○寬平元年冬十一月

始修賀茂臨時祭大鏡○是歲高望王賜姓平朝臣王葛

原王之孫高見王之子也紹運錄○二年夏九月參議

左大辨攝廣相卒公卿補任廣相幼有文名九歲許昇殿江談

及長博學貞觀中補文章生對策及第為右衛門大

尉叙從五位下渤海使來奉敕宴詩人賦詩三代實錄廣相

歷仕三朝近侍左右補任博涉群書皆橫看讀過常覽一

代藏經七日江談至是卒以侍讀勞詔贈中納言

從三位補任○冬十二月太政大臣基經辭關白許之

菅家○是歲鑄寬平大寶錢拾芥抄○三年春正月太政

大臣基經薨贈正一位謚昭宣畧記基經在職鎮密祇畏

敦崇儒術三代實錄初清和帝遜位居水尾山帝既崩後基

經著帝所嘗賜御衣侍內宴其應制詩曰醉望西山仙

駕遠微臣淚落舊恩衣聞者感歎江談○三月以大納

言藤原良世為右大臣畧記良世冬嗣之子也尊卑分脉○六

年夏五月唐使來聘按此時唐國大亂不當喻海修聘

書不○秋八月以參議管原道真為遣唐大使右少

辨紀長谷雄為副使紀畧會唐亂不果行畧代長谷雄潭

正忠貞範之子也補生而穎敏成童志學受業大藏善

行後從道真學道真初未奇之及見其詩數日不意詞

藻至此自是屢相唱和後詩序三善清行常與長谷雄

論文詆罵曰自古無有不才博士今始於汝長谷雄不

校人服其雅量江談抄今○九月新羅寇邊對馬守文

室善友與賊兵戰大破之獲大將三人副將十一人卒

三百餘人畧○冬渤海來貢菅家○七年秋八月左大

臣源融畧融嵯峨皇子紀畧常營河原書院於東六

條顯朝古今園池之美窮極工巧江談抄每月使人汲難

波潮二十斛日煮鹽以糗陸與塩竈之勝槩古今和歌集序世

稱河原左大臣抄○八年秋七月以右大臣藤原良

世為左大臣大納言源能有為右大臣畧能有文德皇

子也○冬十二月左大臣藤原良世致仕補○九年夏

春海貞吉卒貞吉本唐舞師也大同中以由基所風俗

舞勞為左近衛後補雅樂助嘗受醫方常服拘杞年一

百十六猶有壯容至是卒年百十九政事畧○六月右大

臣兼左近衛大將皇太子傳源能有薨○秋七月帝禪

位於皇太子記詔大納言藤原時平權大納言菅原道

真輔佐少主參決機務日本自著書歷舉臣庶賢否國

家得失以為訓誡寬平帝嘗使畫工圖殿周以未名臣

像於紫宸殿障子著聞其勵志如此帝嘗以九月十三

夜賞月後因以為故事中右記長帝深好佛法脫屣之

後落髮築室仁和寺居焉世稱御室深好已下仁在位

十一年改元者一曰寬平皇太子立是為醍醐天皇

醍醐天皇諱敦仁宇多帝長子也母贈皇太后藤原氏

寬平五年立為皇太子至是即位時年十三日本紀畧

○昌泰元年春二月始讀群書治要紀畧○二年春二月

以大納言藤原時平為左大臣權大納言菅原道真為

右大臣紀畧時平基經之子也三代○三年春正月以

大納言藤原高藤為內大臣尋薨紀畧高藤冬嗣孫大

舍人良門之子也號勸修寺尊卑○冬十月文章博士

三善清行上明年辛酉革命議于時右大臣菅原道真

權勢甚盛清行勸之退避道真不納乃以書貽之曰伏

見明年辛酉運當宸華二月建卯將動于戈遭凶衝禍

雖未知誰人引弩射市薄命者亦當中之天數幽微難

以推察人問云為誠足知亮伏惟閣下挺自翰林超昇
槐位朝之寵榮道之光華除吉備公外無復与比伏冀
知其止足察其榮分擅風情於烟霞藏山智於丘壑後
生仰見不亦美乎記畧道真不從遂遭貶謫續古事談

外史氏曰貞觀以後藤原氏顯權而天子拱默受制
紀綱陵遲宇多帝英明有見于此登庸菅原道真
委以大政欲以收外戚之權而張王室之勢矣然

帝一旦去位而道真亦以讒去藤原氏之權滋盛而
不可復收矣由此觀之道真之去就實係國家之興

衰豈得以一身之故去位哉蓋道真之於君也盡誠
竭節死而後已不尔螳螂奮臂黃雀張口伺隙其後
道真豈不之知哉然以其身任天下之重受禍而不
辭斯其所以為忠也而論者譏其不去位以為闇事
機非至論也

○十一月前左大臣藤原良世薨紀畧○延喜元年春正

月貶右大臣兼右近衛大將菅原道真為大宰權帥以

大納言源光為右大臣紀畧光仁明皇子也紹運錄初藤

原時平与道真執政道真以碩儒病德有時望而時平

年少才不及以故道真著注日厚時平意其不平大

會法皇与帝議欲以道真為關白因召道真密諭其意

道真固辭記時平聞而益不悅遂与光及藤原定國藤

原菅根等誣構道真密奏云竊謀廢立道真女適齊世

親王故時平以是動之帝信之竟見貶黜代要記北

抄謀廢立據梅法皇聞之欲見帝申理菅根遏絕不通

鏡道真男女二十三人皆坐配流在柄時平欲禁錮放

逐諸司諸主受學於菅門者三善清行致書止之其議

遂寢本朝菅根右兵衛督良尚之子博涉經史兼通百

家三代以道真薦登用後在殿上忤道真意道真怒而

毆之菅根深銜之遂黨時平陷道真愚管抄○秋八月

左大臣藤原時平等上三代實錄○三年春二月太宰

權帥菅原道真薨于貶所年五十九補任道真歷事五

朝尤為宇多帝所親任寬平遺戒歷事帝嘗好游獵道

真諫止之續古隨事獻替多所匡救寬平及被配閉門

不出託文墨自遣管家文章雖謫居無慘未嘗忘忠愛

之意一日遇重陽賦詩曰去年今夜侍清凉秋思詩篇

獨斷腸恩賜御衣今在此捧持每日拜餘香聞者莫不

感於人...是歲大曆初建祠於右近馬場以祀之號此

野記○四年春二月立皇子崇象親王為皇太子○

五年夏四月大內記紀友則御書所預紀贊之等上古

今和歌集○七年冬十一月鑄延喜通寶錢是歲

左大臣藤原時平等上延喜格延喜格序帝○八年夏

四月渤海使裴瑋來以菅原淳茂為掌客使淳茂道

真之子也初貞觀中瑋父題奉使來朝与道真倡和及

是淳茂亦与瑋倡和言及先人時事瑋讀感泣異域之

人兩世邂逅人以為奇遇江談○九年春正月定天下

常平倉穀價升直三錢西官○夏四月左大臣兼左近

衛大將藤原時平薨贈正一位太政大臣○十三年春

三月右大臣兼左近衛大將源光薨初五條道祖神

祠有大桺樹時人訛言有佛現樹上放光兩寶華舉都

集拜光聞之謂必妖魅所為乃往樹下辟人仰視移時

不瞬佛忽變為大鵠而隨人服其明決今昔物語光嘗黨藤

原時平構陷菅原道真遂代道真為右大臣北野至是

出獵馬逸墮輦而死紀○十四年春二月詔求直言式

部大輔三善清行條陳便宜十二肅祭祀禁奢侈抑兼

并勵學生省舞妓慎刑獄均祿賜擇牧宰程課役嚴邊
備汰僧徒修津泊本朝文粹

外史氏曰弘仁以來名公鉅卿上疏言時勢者不知
九幾然剗切痛決未有若清行封事者真可謂經世
有用之才矣使帝盡用其言延喜之治豈特止此
哉夫以清行之才遇帝不為不遇而猶不得盡其
蘊况叔世之士事庸主而欲展其才用不亦難乎

○夏六月禁服飾奢侈○秋八月以大納言藤原忠平
為右大臣○十六年夏五月四品中務卿貞地親王薨

○十八年冬十二月參議式部大輔三善清行卒補任

年七十二據本朝文粹所載詰眼文延喜十三年吾年
六十七之文紀畧畧記並為七十三誤也

清行淡路守氏吉之子也補受業巨勢文雄江談抄博涉

經史旁通百家明法律精算術洽聞強記為一時宗師

嘗為詰眼文以寓其意粹文所著有善家集本朝書目錄五條

堀河有凶宅人不敢居清行買而居之妖竟熄今昔物語○

二十年夏五月渤海使裴璆復來朝大江朝綱為掌客

使畧記畧及還朝綱為序贈之璆大歎賞後本朝人至渤海

彼國人問曰江公既為相否曰未曰大邦何以不重文

才其播譽異域如此著聞朝綱音人之孫官至參議世

稱音人曰江相公朝綱曰後江相公文粹○冬十二月

賜皇子高明兼明源姓○延長元年春三月皇太子薨

謚文獻○夏四月詔復故太宰權帥菅原道真原官紀

初道真薨後藤原實賴藤原時平相踵而逝至是太子

亦暴薨太子母時平女也世以為其祟故有是命在

綠起時平○立皇孫慶賴王為皇太子○二年春正月

以右大臣藤原忠平為左大臣大納言藤原定方為右

大臣紀定方高藤之子也尊卑○三年夏六月皇太子

薨○冬十月立皇子寬明親王為皇太子○四年秋七

月大和長谷山崩紀○是歲契丹阿保機攻渤海扶餘

城下之號曰東丹府命其子突欲鎮之九代史○五年

冬十一月左大臣藤原忠平等上延喜式紀先是詔左

大臣藤原時平大納言藤原定國等撰格式未成而時

平等薨其後詔忠平等編集之至是成延喜式○六年夏

六月命少內記小野道風書賢君名臣言行於清涼殿

南廂粉壁紀道風篁之孫也工艸隸遒勁神逸冠絕古

今系圖著片帝隻字人競求之至不得者以為耻其為

皇朝史略

世所貴如此鏡今後世稱道風及藤原佐理藤原行成爲

三蹟此微物○七年夏五月新羅全州酋甄當遣使請

歸化却之記○秋八月敕公卿上意見記○八年夏四

月東丹國使至丹後却之記○六月雷震清涼殿大納

言藤原清貫右中辨平希世等震死帝不豫○秋九月

帝病大漸傳位於皇太子紀詔左大臣藤原忠平輔

幼主攝政事○帝崩紀壽四十六先是宮中有鬼迹又

有鬼見常寧殿長過殿棟又北陣衛士夜視大魃十餘

入陣忽然不見至是帝晏駕帝臨御日久勅精圖治

神皇正統記延喜中新立格制而風俗奢侈多犯者帝患之

一日藤原時平盛飾而入帝見而大怒使職事讓之曰

今者嚴立格制左大臣身長百僚首犯國禁大臣舉動

豈宜如此時平惶懼歸第屏居月餘自是奢侈頓改大鏡

帝性慈仁愛民寒夜親脫御衣以省民間凍餒人鏡十訓抄

每見群臣假以顏色嘗曰持已嚴恪人難盡言故朕常

溫顏色以來諫者大鏡東齋隨筆

外史氏曰天下之患莫甚於壅蔽蓋人君居廣廈之

下帷帳之內所見不過垣牆而所与居者非婦人女

子則奄豎頑童而已而左右前後亦莫非佞諛之徒
人君日与之共居狃逢迎承順而不聞君子之黨言
適聽逆耳之言輒然以怒不以為狂則以為愚故下
有姦臣而不知百姓怨嗟而弗聞老臣專政胥吏弄
權威福之柄下移而不悟釀亂胎禍而恬然以為天
下又安萬世無虞而不知危亡之憂已逼且夕此古
今壅蔽之常患也賢君知其然故親忠直而遠佞諛
開言路而決壅蔽所与居者莫非謇諤匡弼之臣聽
以天下之耳視以天下之目故能持盈而不溢居高

而不危此其所以長保富貴而社稷鞏固無土崩之
患也 帝初雖聽讒邪之言而逐忠臣後深自懲艾
開言路進忠直虛已受諫謇諤之言惟恐不聞此延
喜之治所以為後世之稱首也後之人君苟以帝為
師安有壅蔽之患哉

在位三十四年改元者三曰昌泰延喜延長皇太子立
是為朱雀天皇

朱雀天皇諱寬明醍醐帝第十一子也母皇后藤原氏
延長三年立為皇太子八年十一月即位時年八歲左

大臣藤原忠平攝政日本紀○承平元年春二月以京師

多盜命近衛衛門檢非違使每夜巡捕扶來○秋七月

宇多法皇崩壽六十五○二年秋八月右大臣兼左近

衛大將藤原定方薨○三年春二月以大納言藤原仲

平為右大臣日本紀○秋七月官符東海山陽二道及丹波

太宰府禱神社警兵備先是有大矢紫宸殿版位其占

兵革應起故豫備之○颶風發屋其占西南兵起又符

山陰山陽太宰府警兵備○冬十二月南海道海賊起

○四年春三月山城獻雞雛一頭二身四足二尾○秋

七月遣兵庫允在原相安追捕海賊日本紀○五年春二月

下總人平將門攻其伯父常陸大掾國香殺之又其

叔父下總介良兼構兵良兼敗死將門遂據下總勢益

猖獗將門記春二月據歷皇紀將門上總介高望之孫鎮守

府將軍良持之子也系圖將勇悍絕人最善騎射少仕

攝政忠平求因其薦為檢非違使忠平不聽將門憤恚

正統去赴開東居下總豐田郡日本紀常以攻剽為事今昔物語

○夏四月地大震日本紀○是歲新羅為高麗王王建所滅

三國史記○六年夏六月以從四位下紀淑人為伊豫

東國通鑑

守討海賊紀賊徒服其寬仁降者二千餘人賊帥小野

氏寬紀秋茂等亦來歸淑人悉釋之與衣食給山疇令

之就業民乃得安署記○按紀署載藤原純友據海島

此時事故淑人長谷雄之子也紀氏○秋七月以攝政

忠平為太政大臣大納言藤原恒佐為右大臣紀恒佐

良世之子也○天慶元年夏四月地大震內膳司顏壓

死者四人竟是月地日震○五月右大臣兼右近衛大

將藤原恒佐薨紀世稱土御門右大臣尊卑○六月

地大震鴨河溢民屋多壞○冬十二月大雪深丈許○

二年春三月太宰府却還高麗使者○夏四月出羽言

俘囚作亂紀○冬十一月平將門反紀攻常陸介藤

原維幾執之將門時武藏權守興世王兇險幸亂通好

將門協心計畫乃說將門曰掠取一國与奪數國其罪

一也不若并坂東以窺時機將門大喜十二月攻下野

守藤原弘雅弘雅迎降至上野逐介藤原尚範於是建

都下總猿島署置百官僭號稱新皇署記將○伊豫言

前掾藤原純友反初海賊之起朝廷令純友討之既而

純友抄掠郡邑所在騷然外記初將門在京師登比叡

山下見皇都竊挾觀覲之心正統乃与純友約曰他日

我登大位以子為關白鏡至是純友遂反應將門圖犯

京師潛遣兵士行火於東西京京師騷擾備前介藤原

子高風聞其事欲請京師奏之純友使人追執之并害

其子朝廷震駭發警固使於諸國畧記古○三年春正

月以從四位上藤原忠舒為東海道追捕使從五位下

小野維幹東山道追捕使右近衛少將小野好古山陽

道追捕使尋又以參議藤原忠文為征東大將軍募東

山東海建殊功者賞以不次紀將門略武藏相模置留

守課賦役聞下在常陸率兵來攻貞盛潛匿不出

將門駐軍數日不知貞盛所在以為無虞遂歸下總散

遣兵士貞盛偵知之与下總押領使藤原秀鄉率兵襲

之將門蒼黃出距大敗貞盛秀鄉乘勝攻之將門自度

眾寡不敵欲誘致二將於險隘擊之退保島廣山貞盛

秀鄉縱火燒其營追戰於北山將門常選精兵八千以

自衛時未集眾僅四百餘陣戰甚力官兵少卻貞盛秀

鄉与藤原為憲督士卒大戰遂敗之將門單騎突陣貞

盛射而斃之傳首京師黨与皆伏誅紀畧畧記秀鄉以

今昔物語

功叙從四位下貞盛叙從五位下紀秀鄉下野大掾村

雄之子貞盛國香之子為憲維幾之子後世伊東工藤

諸族皆為憲之後也尊卑初將門之反秀鄉欲与之往

候之將門方梳髮遽出迎髮不遑理既而鏖至對食

將門下筋飯逆落汚衿輒自拂拭秀鄉大失望以為輕

躁無量不足濟大事遂与貞盛戮力討滅之盛衰○夏

六月先是朝廷以將門純友一時煽起下笱教諭純友

授從五位下純友不悛狂悖日甚畧記古至是侵掠讚

岐伊豫兵勢甚盛畧記時朝廷以右近衛少將小野朝右

為追捕使長官武藏介源經基為次官右衛門尉藤原

慶幸為判官左衛門志大藏春實為主典分遣播磨讚

岐造戰艦二百餘艘往赴伊豫官軍未至賊帥藤原恒

利詣讚岐介藤原國風納款恒利備知海陸險夷及賊

之巢窟國風以為鄉導進擊賊徒大破之畧記古好古

篁之孫經基貞純親王之子也尊卑○四年夏五月征

南海賊使小野好古奏賊劫掠太宰府以參議藤原忠

文為征西大將軍討之畧記時太宰府兵与純友距戰及

為所破純友遂燒太宰府賊勢復振好古率精銳由陸

路慶幸春實浮海赴筑前博多津攻之春實裸袒被髮

執短兵直入賊軍藤原恒利藤原遠方等繼進縱火燒

賊船衆遂潰純友乘舟逃還伊豫為警固使搗遠保所

獲累記古事談傳首京師紀○秋八月純友餘黨

寇日向官軍擊而大破之○九月賊徒又寇豐後追討

使源經基距戰破之獲賊魁系原生行傳首京師外記

初將門之誅也朝廷論功行賞衆議藤原忠文亦宜在

褒典大納言藤原實賴曰忠文無功焉得賞中納言藤

原師輔曰不然紀曰罪疑從輕賞疑惟重彼既銜命出

京不為無勞奈何舍之實賴不從其議遂寢十訓抄

冬十月太政大臣忠平罷攝政補任○十一月以忠平

為關白○五年春三月詔公卿大夫内外五位已上秀

才明經及第儒生上封事言得失紀○夏四月始行石

清水臨時祭記○行幸賀茂社奉神寶賽賊平紀賀茂

行幸始此玉海文○七年夏四月以大納言藤原實賴

為右大臣紀實賴忠平之子也補○立皇弟三品太宰

帥成明親王為皇太弟○八年秋九月左大臣兼皇太

弟傳左近衛大將藤原仲平罷尋薨紀仲平資性溫藉

嘗有星變司天奏咎在大將右大將藤原實賴惡而讓
之或勸仲平讓之仲平曰是移咎於彼以求自免也實
賴年少才高寔國之寶也我年已老無益於時死亦何
所損遂不讓焉今昔物語○九年夏四月帝傳位於皇太弟
紀帝政尚寬仁議者以為過寬藤原忠平嘗從容言及
之帝曰朕聞之先帝公之先人嘗曰政如張琴瑟大絃
急則小絃絕朕若嚴急下民何堪古事談在位十七年改
元者二曰承平天慶皇太弟立是為村上天皇

皇朝史略卷之五終

皇朝史略卷之六

水府史臣青山延干著

男 延光校

村上天皇諱成明醍醐帝第十四子朱雀帝同母弟也
天慶七年立為皇太弟至是受禪即位○天曆元年春
二月鎮守府將軍平貞盛奏賊坂麻呂サタマロ作亂官符シテ糾察
其狀○夏四月以右大臣藤原實賴為左大臣大納言
藤原師輔シホ為右大臣○二年春三月京師盜賊橫行入
右近衛府曹司○冬十二月以盜數入禁內使諸衛巡

夜○三年秋八月關白太政大臣忠平薨贈正一位謚

貞信日本紀畧忠平寬厚慈愛及薨朝野惋惜榮花子兄特

平仲平並登要職一門烜赫時人謂之三平鏡初醍醐

帝召相工於宮中相文獻太子及左右大臣相工視太

子曰容貌過美視時平曰智數過多視道真曰才能過

高皆非全福之人時忠平在下坐相工指之曰神識才

貌靡不協吉保榮貴者其惟斯人乎古事談其後二子實

賴師輔為左右大臣父子同時並列三台榮貴顯達世

無與比榮花物語忠平嘗言菅原道真善及其所貶問遺不

絕不以兄故生嫌其性夷曠如此愚管抄九月陽成上

皇崩壽八十一紀畧初上皇遜位極意縱肆常与群少十

數人執弓矢遊獵山野或微行入閭里劫奪廐馬鞭逐

主人嘗入左大臣源融別業破壞其牆垣而去又嘗捕

一女子以琴絃縛之置于水中以為笑樂無賴之徒因

緣為奸惡民間厭苦之扶桑略記○四年秋七月立皇子憲

平親王為皇太子略記○冬十月置殘菊節先是以

醍醐帝忌月廢九月九日節至是置殘菊節以準重陽

西宮記○五年冬十月置和歌所以左近衛少將藤

中行事

原伊尹為別當御批○六年春三月以越前國司奏請

罷追捕押領等使群載○秋八月太上皇崩年三十記

愚管○八年秋七月敕大內記菅原文時等上封事言

關政文時條陳三事禁奢侈停賣官懷遠人言甚剴切

本朝文時道真之孫也系博洽能文一日內宴命群臣

賦詩帝作先成頗自負及文時詩成帝以為絕唱因命

文時評其優劣文時曰聖製固優帝強問文時曰臣作

實上聖製一等乃逃帝益歎賞江談抄

外史氏曰帝王之學本諸躬行而措諸國家此教化

之所以行而治道之所以盛也後世帝王徒事文辭

之末技而脩身正心之學置而不講此教化之所以

不行而治道之所以衰也帝以英邁之資留意文

學其施設亦有可觀者然其所好不出於締章繪句

風雲月露之外至乃与文人才子競優劣較短長其

累帝德也不亦大哉

○十年秋七月詔以災旱減服御常膳錄冤枉賑鰥寡

免五畿七道通負釋文○天德元年秋七月吳越持禮使

盛德言來○二年春三月鑄乾元大寶錢○夏四月雨

雪霽寒如冬○秋閏七月有狂女食人世謂女鬼○三

年冬十二月裁橋於紫宸殿記○四年春三月御清涼

殿闢歌謂之歌合禁中歌合始此天德歌合記○夏五月右

大臣藤原師輔ヒロノヲ尋薨○秋八月以大納言藤原顯忠

為右大臣顯忠顯忠時平之子也公卿補任性尚節儉第宅器

用極朴素鹽漬不用盤自執杓灌洗雖為大臣出無前

驅騶從甚少初時平諸子皆蚤世人以為管靈之祟顯

忠深畏懼每夜拜于庭祈免難兄弟中惟顯忠官位顯

達立朝最久人皆以為其畏慎所致大鏡十訓○九月

禁中火溫明殿神鏡及太刀節刀契印官陽殿累代寶

器春興安福二殿戎器內記所文書仁壽殿大乙式盤

盡焚遷都以後至是百七十年始有此災帝避之神嘉

殿又遷職曹司召左大臣藤原實賴親諭之曰朕以不

德久居尊位遭此災殃憂歎何已敕索神鏡獲之灰燼

中形質不損權奉安縫殿寮略記○應和元年春三月親

試文章生○三年冬閏十二月給授學院年官津勸學

院○康保元年夏五月皇后藤原氏崩紀皇后師輔之

女也初皇后妹登子適帝兄重明親王以中官散出入

皇朝通志卷之六

宮中登子有姿色帝見悅之遂私焉及皇后崩登子亦
娶居帝召寵幸大鏡頗至廢政左大臣實賴聞而歎曰帝

德足垂後世而以此累之惜哉榮花物語○冬十一月救以

學館院為大學寮別曹紀是歲栽櫻樹於紫宸殿初遷

都之時桓武帝裁以梅樹至承和中而枯仁明帝再植

梅樹天德中罹災至是植以櫻樹禁秘抄古事談○二年夏四

月右大臣兼左近衛大將藤原顯忠薨○冬十月兵庫

火累代戎器盡焚○三年春正月以大納言源高明為

右大臣紀高明醍醐皇子延喜中賜姓補○冬十一月

彗星見西方一代要記○四年夏五月帝崩壽四十二葬葛

野郡村上山陵紀帝性明敏留意政事寬裕溫恕恩無

偏倚榮花物語留意源延光為藏人頭時帝甚任用之

一日延光侍側眷遇頗衰延光懼不朝帝俄召之曰一

學生藤原雅材者甚有文才卿何以不奏延光惶懼遽

奏雅材為藏人其好學愛才如此十訓抄嘗問侍臣曰外

議以朕為如何主曰天下皆稱寬帝曰是誠朕志也理

下以嚴民必難堪矣大鏡一日召賤吏老者密問曰當今

與延喜之時得失如何吏曰無異帝切問再三吏曰賤

愚下吏何知唯覺主殿寮多費燭燭率分堂生草耳蓋謂劇勢至夜租入少輸也帝悟自是益加勉勵後

世言治者必稱延喜天曆云大鏡在位二十一年改元者

四曰天曆天德應和康保皇太子立是為冷泉天皇

冷泉天皇諱憲平村上帝第二子也母中官藤原氏天

曆四年立為皇太子至是踐祚○六月以左大臣藤原

實賴為關白○秋七月始頒延喜式○九月立皇弟守

平親王為皇太弟日本紀初帝在東宮多病村上帝憂之

欲立為平親王為嗣然以其婚源氏憚藤原氏而不果

立大鏡及將崩謂左大臣藤原實賴曰朕欲立為平然難

不得立卿意必在守平也至是實賴遂援立之榮祐物語

外史氏曰甚矣外戚之盛也為平帝之所鍾愛而

圓融之兄也兄弟之序宜立而藤原實賴以其婚

源氏忌之遂立圓融帝以帝之英明尚為權戚

所掣肘况庸昏之主欲不為之所制豈可得乎

○冬十月行即位禮於紫宸殿以疾故不御太極殿紀

古事即位用紫宸始此百鍊○十二月以關白實賴為

太政大臣職仍舊右大臣源高明為左大臣大納言藤

原師尹為右大臣紀師尹實賴之弟也大○安和元年秋八月詔以村上帝忌月廢五月五日節

外史氏曰禮曰君子有終身之喪忌日之謂也忌日不用非不祥也言夫日志有所至而不敢盡其私也故忌日廢朝徹樂所以重追遠慎終之意也未聞以忌月廢朝者自孝謙帝以聖武帝忌月廢端午節淳和帝又以太后忌月廢之村上帝又以醍醐帝忌月廢重陽節帝又以村上帝忌月廢端午節夫文武帝始置七節以為行禮講武之日

非若踏歌曲宴一時遊戲之比不宜以忌月廢之而歷世因循不革此失禮之大者也

○二年春三月左馬助源滿仲前武藏介藤原善時告

中務少輔橘繁延等謀反取左大臣兼左近衛大將源

高明タカアキラ為太宰權帥以右大臣藤原師尹為左大臣大納

言タカアキラ原在衡為右大臣紀初繁延與前相模介藤原千

晴僧蓮茂等謀奉為平親王作亂滿仲亦與其謀既而

以有憾于繁延遂令善時上變告之親王妃高明女也

師尹欲因事排陷代其位故使滿仲等誣奏之遂為所

傳記

救搜捕其黨流警延於土佐千晴於隱岐僧

蓮茂於佐渡

○高明之被謫也在衡聞而歎惜家臣

慶曰大臣有闕次當在公在衡大怒逐其臣

續古○秋

八月帝傳位皇太弟

紀帝自為儲貳惠心疾及即位增

劇物語

由是政歸外戚朝綱不振國家之衰自此始矣

大鏡在位三年改元者一曰安和皇太弟立是為圓融天

皇

圓融天皇諱宇平村上帝第五子冷泉帝母弟也冷泉

帝踐祚立為皇太弟至是受禪時年十一詔大政大臣

實賴攝政立皇姪師貞親王為皇太子○冬十月左大

臣兼皇太子傳左近衛大將藤原師尹薨○天祿元年

春正月以右大臣藤原在衡為左大臣大納言藤原伊

尹為右大臣

紀伊尹師輔之子也尊卑○夏五月攝政

太政大臣實賴薨贈正一位謚清慎○以右大臣藤原

伊尹攝政○冬十月左大臣藤原在衡薨

言山陰之孫僧如無之子也公卿初山陰赴筑紫見漁

者捕龜將殺之惻而買之放去後挈妻子浮海妻惡其

兒非己所生竊與乳母謀作為失手墜之海俄而有一

大車負之而出兒即如無也十訓至在衡起文書生遂

登台司因在衡在職以恪勤稱一日風雨甚衛士相謂

今日在衡恐不可參言未畢袁笠乃至在衡每朝車中

覽書及入承顧問必其書中事也故才學雖不過人應

對明詳常為帝所稱十訓○冬十月召還太宰權帥源

高明○十一月以攝政伊尹為太政大臣職仍舊大納

言源兼明為左大臣權大納言藤原賴忠為右大臣紀

兼明醍醐皇子紹運賴忠實賴之子也尊卑○三年冬

十月太政大臣伊尹罷攝政紀詔權中納言藤原兼通

參決庶務兼通伊尹之弟也補○十一月太政大臣伊

尹薨贈正一位謚謙德世稱一條攝政紀伊尹性

好豪華嘗至大饗日視寢內屏差陳俄以陸奧紙糊之

師輔常遺誠子孫以節儉伊尹不能遵守時論譏焉然

其定終制一從儉薄鏡○以權中納言藤原兼通為內

大臣紀初村上帝時兼通請中宮令手書曰後來攝關

有闕宜以兄弟次第相及時弟兼家夙顯達至大納言

兼右近衛大將而兼通淹滯以是缺望屢廢朝參帝亦

待之稍薄及兄伊尹薨兼通以中宮手書呈帝帝視母

后手跡慘然有戚容輒難違之遂有此命由是兼家与
兼通有隙鏡人○天延元年夏四月盜火前越前守源滿
仲家延燒數百家召村武者護衛禁內○二年春二月
以內大臣藤原兼通為太政大臣○三月以兼通為關
白○三年秋八月先是彗星見東北宮中屢有怪異至
是詔公卿已下各上封事○貞元元年夏四月地大震
○五月禁內火帝遷御職曹司○六月詔減服御常膳
繼諸國天祿三年以前逋負免天下僞半紀○京師及
近江地大震宮城官舍佛寺多壞壓死者甚多紀署器

抄帝出南庭避之周慳為御座○秋七月微雪○帝遷
自職曹司御開白兼通堀河第自六月至七月地數震
○九月地大震○二年春二月地大震○夏四月以左
大臣兼皇太子傳源兼明右兵衛督源昭平為親王紀
時關白兼通專政欲以從兄賴忠為左大臣誣奏兼明
有疾策為親王任中務卿陽示尊之實奪之權兼明甚
不平之榮花兼明將卜隱居於龜山又為兼通所沮乃
作菟裘賦以譏焉文○以右大臣藤原賴忠為左大
大納言源雅信為右大臣紀雅信敦實親王之子也補

秋七月從御新宮○冬十月太政大臣兼通攝關白
以左大臣藤原賴忠為關白○十一月太政大臣兼通
薨贈正一位謚忠義略紀初兼通長女嬪子為女御既而
立為皇后時兼家長女超子為上皇女御又欲使次女
詮子侍帝兼通忿然曰我女既為中宮而彼人欲進其
女乎由是嫌隙滋甚及超子生皇子兼通益不悅白帝
曰兼家奉院皇子僥倖非冀恐不利於陛下宜先事擯
斥之右大臣藤原賴忠与兼通善兼通欲薦之令代已
乃使源兼明解職以賴忠任之宋花物誌及病革門者通

公弟大將來扶起而待兼家過其門而不入直朝參兼
通大怒力疾詣朝時兼家以為兼通已死欲速奏代之
既在上前見兼通愕避兼通聲色甚惡乃奏曰臣今將
終願一行除目請以賴忠為關白奪兼家官以從弟濟
時代之奏畢便歸第而薨大鏡○天元元年冬十月以關
白賴忠為太政大臣職仍舊右大臣源雅信為左大臣
大納言藤原兼家為右大臣○二年春三月謁石清水
宮紀石清水行幸始此一代要記○三年冬十月禁內
火殿舍盡焚帝避之中宮從御職曹司紀詔減服御

常膳免五畿七道諸國調庸通負及天下徭半○四年
秋七月徙御新宮紀○五年春二月京師多盜放火劫
人先是海賊大起調庸路梗至是滋熾劫掠行旅小右記
○冬十一月禁內火徙御職曹司○永觀元年春二月
捕京畿私帶弓箭兵伏者案之○二年夏五月制非職
帶兵者罪當杖○秋八月帝傳位於皇太子紀帝末年
紀綱大紊至盜賊橫行放火禁內朝士入宮為盜在位
十六年改元者五曰天祿天延貞元天元永觀皇太子
立是為華山天皇紀畧紀綱大

華山天皇諱師貞冷泉帝之長子也母贈皇太后藤原
氏安和二年立為皇太子至是受禪徙御新宮○立圓
融帝皇子懷仁親王為皇太子日本紀畧○冬十二月詔曰
未徙繩則正右徙諫則聖夫人主者以納敢諫為先人
臣者以進讜言為任廣德之戒樓船終就其安朱雲之
折殿檻永令無理國之將興也上下聚唇國之將廢也
道路以目至如志家為國面折尸諫者是朕之願也叔
向有言大臣重祿不諫小臣畏罪不言下情不上通此
患之大者也靜而思之誠哉斯言宜令公卿大夫及京

官諸國五位以上秀才明經課試及第名為儒士者各
上封事匡朕不逮文

外史氏曰英傑之主廣求讜言務決壅蔽故言路日
開賢才日進昏庸之主聰明自恃惡聞其過故言路
日塞姦邪日進此治亂之所由分也 冷泉以後皇
室陵遲政歸后族天子唯垂拱仰成而已自非英傑
之主不能剛決果斷抑其權勢而收其威柄 華山
踐祚初首求讜言庶幾有為然是時權戚伺間逞其
欺詐則朕之主猶莫能為況於庸主乎求言之詔竟

為文具惜哉

圓融末年朝政廢弛紀綱紊亂及帝即位參議藤原義
懷左中辨藤原惟成心輔政紀綱頗張大鑑義
懷伊尹之子也大鑑○寬和元年春正月左兵衛督藤原
齊明陽輝正人弼大江匡衡而亡官符諸國捕之小右記
○夏四月有大蟹上承香殿○五月誅藤原齊明○冬
十一月行大嘗祭於大極殿以豐樂院壞也○二年六
月帝遜位入華山寺落髮為僧紀初帝即位藤原義懷
以外舅之親于預朝政藤原兼家疾之欲令帝早讓位

其子道兼探知其意多方為計時道兼為左少辨親近
左右會帝密敕帳子亡帝悼念不已頗有廢棄塵累之
心道兼與僧嚴久聞說佛經勸去位曰陛下第早捨身
臣亦奉從帝遂決意至是夜子道兼潛出宮時月色方
明帝少猶豫道兼趣曰劍匣已奉東宮事不可復止既
而有雲翳月帝曰我願成乃至華山元慶寺落髮義懷
惟成追至行在披剃為僧道兼給帝曰已奉聖約暫歸
辭父母乃去不米帝始悟為其所賣人鏡崇化物語
愚管叔一訓抄○
帝之遜位也夜潛出宮雖妃嬪不之知路過天女博士

安部晴明宅其夜晴明避暑庭中仰見天象忽拍手獨

駭曰天象有變天子避位何哉帝行聞而走晴明便入

奏急變於是宮中始知帝不在人鏡元
亨紀書晴明大膳大夫

益村之子尊卑
分脉學陰陽推算之術於賀茂忠行善天文

雜占奇中如神今昔
物語帝性有巧思宮室器玩創意出奇

鏡又好和歌親撰拾遺集八雲
御抄

外史氏曰自古人君留意書画玩好未有不亡國敗

家者也宋徽宗之好書画元順帝之製作器玩叙意

出奇可謂才藝絕倫而至社稷顛覆國家為墟莫之

悟也。帝天資絕巧才調有餘而不知為姦邪所賣。書曰玩物喪志。蓋帝之捨身雖惑溺使然亦由喪志故也可不戒哉。

在位三年改元者一曰寬和皇太子立是為一條天皇。一條天皇諱懷仁圓融帝子也。母女御藤原氏永觀二年立為皇太子。至是踐祚年七歲。右大臣藤原兼家攝政。秋七月尊所生藤原氏曰皇太后。立華山帝弟居貞親王為皇太子。攝政兼家罷右大臣以大納言藤原為光為右大臣。紀略兼家之弟也。尊卑分脉

○永延元年春二月僧裔然還自宋獻印本一切經。扶桑略

裔然東大寺僧永觀二年如宋。元亨秋書獻職員令年代

記各一卷太宗召見存撫甚厚賜紫衣館于太平興國

寺太宗聞我皇系一姓傳繼臣下皆世官因謂宰相曰

日本國祚久遐其臣亦繼襲不絕蓋古之道也我國自

唐季之亂寓縣分裂梁周五代享歷尤促大臣世胄鮮

能嗣續可嘆也。宋史文獻通考○三月定新制十三條○夏五

月申定新制五條○秋七月以元早詔公卿上封事○

九月一品中務卿兼明親王薨。紀略親王天資豪邁博

學多才能屬文兼工書名冠當時為柄臣所忌不得展

其志快快不樂

本朝文粹

至是薨世稱中書王

尊卑分脉

○永祚

元年春二月以推大納言藤原道隆為內大臣

紀畧

道隆

兼家之子也

公卿補任

○三月幸春日社春日幸行始此

紀畧

西宮記

○夏六月太政大臣賴忠薨贈正一位謚廉義

紀畧

○秋八月辛亥三日並見

百鍊抄

○冬十二月以攝政兼

家為太政大臣職仍舊○正曆元年夏五月兼家罷攝

政為關白尋罷以內大臣藤原道隆為關白尋攝政○

秋七月前關白太政大臣兼家薨

紀畧

以剃髮不賜謚初

圓融帝時關白兼通讓其職於賴忠青授兼家治部卿

兼家以非罪貶斥快快不樂

人鏡

賴忠憐其沉滯為奏拜

右大臣既而其女詮子入官有寵生帝及華山帝立以

帝為儲貳兼家以為當任關白而賴忠在職意甚不平

家居不出其子道兼設計使華山帝去位帝遂即位

榮花

物語愚管抄

於是兼家大得志得專朝政晚年窮極奢侈營

居室於東三條第制作模清涼殿其奢侈如此論者譏

焉

大鏡

○二年春二月圓融法皇崩壽三十三○秋七月

攝政道隆罷內大臣○九月以右大臣藤原為光為太

政大臣大納言源重信為右大臣權大納言藤原道兼
為內大臣紀重信敦實親王之子也分○三年夏六月

太政大臣為光薨贈正一位謚恒德紀世稱鷹司分○

冬十一月從五位下源忠良討阿波海賊俘獲頗多○

四年夏四月攝政道隆為關白○五月詔贈故右大臣

菅原道真左大臣正一位○秋七月左大臣兼皇太子

傳源雅信紀尋薨○冬閏十月再贈菅原道真太政大

臣紀畧按畧記為○五年春二月盜火後涼殿白鍊又

火弘徽殿飛香舍○三月分差武士索盜○秋八月以

右大臣源重信為左大臣內大臣藤原道兼為右大臣

權大納言藤原伊周為內大臣紀伊周道隆之子分○

長德元年夏四月關白道隆紀尋薨補世稱二條分○

以右大臣藤原道兼為關白○五月關白道兼左大臣

源重信並薨紀道兼在職僅七日世曰七日關白稱栗

田道兼常謂吾有功於父關白非吾而誰及道隆襲職

道兼甚望之故居父喪無戚容會賓客游戲時人醜焉

榮花○敕權大納言藤原道長內覽太政官文書○六

月以權大納言藤原道長為右大臣紀道長兼家之子

止為人豪雋有才畧兼家常飲羨族子公任為人激勵
諸子曰吾兒不及遠甚諸兄自揆不如默而不荅道長
獨對曰小子固不能蹈影恐終蹈其面而已少時嘗与
兄道隆道兼侍華山帝時夜雨甚闇帝欲試三人量謂
之曰誰冒此闇夜能至無人處邪道長曰臣可往乃分
命三人曰道隆宜往豐樂院道兼仁壽殿道長大極殿
時已三更二兄畏縮殊甚道長從容白帝曰臣今獨往
當以何為證帝乃於巾箱中出小剪刀授之既而二兄
皆服栗不得前而還少選道長徐還即以一木梯為證

曰此是臣所削取太極殿南向柱木梯也帝遣人驗
之果然帝大感賞鏡大兼家之弗及葬眾遽騷擾道兼惶

懼失色道長年畧少神色自若徐曰僕已遣人問之無

它但馬驚佚耳時源賴光在坐退歎曰此人已有將帥

之量著聞道長善射御工詩歌初飯室有善相者見道

長曰斯人有奇表如虎度山貴不可言後果如其言鏡大

賴光滿仲之子也尊卑分脉○二年夏四月貶內大臣藤原

伊周為大宰權帥伊周弟權中納言隆家為出雲權守

紀初道隆疾篤不能視事因請令伊周攝省中事及道

隆薨自謂已必代其職而以叔父道兼在已上忌之令
外祖高階成忠咒詛既而道兼為關白伊周慚愈未幾
道兼薨伊周喜以為已必代之及道長為內覽伊周大
缺望時為光二女娶居鷹司第伊周通其姊華山法皇
亦聞其妹美屢往窺之伊周以為通其姊以告弟隆家
隆家乃率輕俠數人夜覘法皇歸自鷹司欲發矢怖之
誤中御衣事喧傳京師帝雖粗聞知為法皇耻之不驟
推問會伊周修太元法呪詛東三條太后故事太元法
非官不得修事發覺帝震怒至是遣檢非違使左衛門

尉平惟時肥前前司源賴光等收之遂處竈物語○

秋七月以右大臣藤原道長為左大臣大納言藤原顯

光為右大臣顯光兼通之子也○閏月鴨河溢太

風壞廬舍○三年春三月召還藤原伊周藤原隆家

補任大○夏六月高麗獻書廷議不報嚴敎通備

○秋七月以大納言藤原公季為內大臣公季師輔

之子也○冬十月太宰府言高麗劫掠邊陲○十二

月太宰府言獲高麗賊三十餘人○四年秋九月

太宰府言海島人捕獲高麗賊○冬十二月盜入宣耀

殿長保元年夏四月禁內火帝徙御一條大宮院紀

○冬十二月先是散位平致賴与前下野守平維衡構

兵而戰藤原致忠殺前相模守橘輔政子至是流致賴

於隱岐維衡於淡路致忠於佐渡紀畧小右記○二年

春正月立女御藤原彰子為中宮紀畧彰子道長之女也

大時道長威勢赫大江以言嘗作詩譏之有云鹿馬

應迷二世情道長衡之爾後帝欲擢以言道長沮之曰

斯人即作鹿馬惑二世詩者也帝乃止古事○冬十月

徙御新宮○三年冬十一月禁內火帝避之職司紀

○四年冬十二月始置內侍所神樂代要記○五年

夏五月京師大水○冬十月徙御新宮○寬弘二年春

二月以從二位藤原伊周班大臣下納言上○盜殺大

藏大輔平孝信紀畧○秋七月親試學生於弓塲殿以中

第者直御書所紀畧百○冬十一月以藤原伊周參預

明補小右記○禁內火神鏡大刀契焚帝避之神嘉殿

遷御太政官朝所又遷御東三條第紀畧百○十二

月遣參議藤原行成於伊勢奉宸筆宣命告神鏡罹災

畧紀宸筆宣命始此著聞集行成伊尹之孫也脉性質多

才藝最妙書法世与燕明親王藤原佐理並稱為三蹟

古事談初藏人頭源俊賢遷參議帝問曰誰可代卿者

俊賢以行成對帝曰階級尚卑難遷超擢俊賢曰行成

才能過人足職獻納何以資望之淺沮其登庸夫君人

者在務知人知人則賢者益進小人自退否則政事不

能無愆失惟陛下察焉帝從之鏡大○三年春三月遷御

一條院紀○夏四月客星見南方百鍊○五月修仁王

百講於大極殿讀經大内七日法成寺攝政記○秋七月召公

卿議改鑄神鏡有蛇上殿走向神鏡所在因罷改鏡紀

百鍊○四年夏六月有大流星○秋七月修仁王會禳

星變法成寺攝政記

外史氏曰災異者天之所以警戒人君古之明君莫

不恐懼修省以答天譴故災異自消而君德加修焉

堯以洪水而聖湯以大旱而王太戊以桑穀而昌高

宗以响雉而興後世人君不知責諸身及諸已祈禳

禱禮以冀苟免所以天變頻見而君德愈亂也帝

之在位也三日並見大風洪水無歲無之而惟祝融

至神鏡成灰天地之變孰有大於此者乎當是之時

右族專政勢過人主而天之丁寧告戒如此然而未
嘗聞有修省之事但付諸釋氏之讀經而已其侮天
戒不亦甚哉嗚呼神鏡焚而帝祚衰寶劍沈而王室
傾陵夷之漸職此之由可不哀哉可不畏哉

○五年春正月以藤原伊周准大臣○二月華山法皇
崩壽四十一紀法皇常居元慶寺持律精嚴後稍近女

色志操遂變物誌○秋八月僧寂昭如宋宋寂昭初名

定基大江齊光之子也少善詩文續仕至參河守一

日削髮為僧至是如來器宋主延見問本朝事寂昭

請紙筆以對獻所齋佛像宋主大悅賜紫衣求歸館於

上寺宋賜號圓通大師宋三司使丁謂遇之甚渥及

智礼答釋成寂昭將持而歸謂欲留之盛言姑蘇山水

之美寂昭遂留于吳門寺使人送答釋於源信元亨謂

乃分月俸給之後言語稍通戒律精至三具道俗多歸

向者嘗以黑金水瓶贈謂并詩曰提携三五載日用不

曾離曉井斟殘月春燭釋夜漸鄰銀難免侈業石易成

虧此器堅還實寄君應可知始又善書迹字幹婉美有

二王之風為揚億所賞云談錄○六年春二月倭藤原

良月史

伊周參朝初伊周妹定子入宮立為皇后生叔康親

王伊周常謂王必登書閣及中宮生叔成親王人失

其明會流言伊周高階明順咒詛敦成道長明順

責之明順憂死至是伊周坐之停朝參物誌夏六月

聽伊周朝參秋七月二品中務卿具平親王薨親

王村上皇子幼英敏才藝絕人物誌尤工詩歌鏡世与

兼明親王並稱呼曰後中書王皇胤紹運錄按談苑

書寂昭未書寬弘四年九月章州最如中上善書亦

鮮及若愚即具平親王也世人誤為魚明親王燕明永

其為具平也大江匡房嘗曰古今能繼父業者惟都右

中菅原淳茂菅原輔昭与親王而已其餘不足論也江

批○冬十一月一條院火延喜天曆御記累朝寶器盡焚

帝徙御左大臣藤原道長机把第○七年春正月準大

臣藤原伊周薨○秋七月大雨洪水○冬十一月一條

院院使御為○八年夏六月帝不豫傳位於皇太子紀

天寒天下窮民必有寒者朕豈忍獨重襲哉古車帝臨

御日久一時人才輩出續往源經信藤原公任源俊賢

藤原行成以才藝稱世稱四納言而當時閨閣之秀有

式部清少納言亦添衛門和泉式部伊勢大輔之流
清少納言清原元輔之女也有才學十訓抄給車後宮甚
見眷遇皇后雪後願左右曰香爐峰雪如何少納言即
起捲簾人稱其敏捷十訓抄後作帝今從枕草子帝每日朕之不德
唯得人一事庶不愧延喜天曆之世十訓抄然遭道長專
權政不出已意雖惡之不能制焉古事在位二十六年
改元者六曰永延永祚正曆長德長保寬弘皇太子立
是為三條天皇紀略

三條天皇諱居貞冷泉帝第二子也母贈皇太后藤原

氏寬仁二年立為皇太子至是受禪立一條帝第二子

敦成親王為皇太子日本紀略初一條帝之禪位也欲以敦

康親王為帝儲貳然以其舅伊周已死無戚族之援遂

立二宮大鏡○一條法皇崩年三十二秋八月自東

三條第徙御禁中○詔左大臣藤原道長知太政官文

書○冬十月冷泉上皇崩年六十一○長和元年春二

月立女御藤原妍子為中官妍子藤原道長女紀略是為

枇杷中宮大鏡○夏四月立女御藤原娥子為皇后紀略娥

子藤原濟時女也初娥子入宮有寵生敦明親王及批

把中官立帝又欲冊娥子為后然憚道長不決道長揣

知帝意勸帝立之然實非其意也及冊立之日廷臣無

至者帝大忿恚唯入納言藤原實資中納言藤原隆家

等數人入預朝會記時道長以累世權威專朝政廷

臣上下夤緣攀附唯恐不及至是綱紀日弛實資獨侃

然正色無所回避屢發忠憤帝亦倚賴焉大鏡實資

實賴之孫齊敏之子也大鏡○秋七月式部大輔大江匡

衡卒年六十一記匡衡左京大夫重光之子也大鏡七

歲始讀書九歲賦詩受學相維時記及長博洽冠絕

略通識緯記然位不稱才仕途沉滯每歎輶軒文粹

○三年春二月禁中火帝徙御松下曹司○三月丙藏

寮掃部寮火累代寶器藥物盡焚○夏四月徙御左大

臣藤原道長批杷第○四年秋九月徙御新宮○冬十

月敕左大臣藤原道長行京官除月於直廬儀準攝政

記百鍊記○十一月地大震記○禁內火徙御批杷第

記○十二月歲星經天記○五年春正月帝傳位皇

太子記帝在位病失明朝會少臨御道長數諷去位帝

不憚時道長專權帝頗不平常慮為其所忌意不自安

小右記至是遂決意脫屣大鏡在位六年改元者一曰長和

皇太子立是為後一條天皇大鏡

後一條天皇諱敦成一條帝第二子也母中官藤原氏

寬弘八年立為皇太子至是受禪時年九歲立三條帝

皇子敦明親王為皇太子左大臣藤原道長攝政○夏

六月徙自上東門御一條院○冬十一月攝政道長罷

左大臣○寬仁元年春三月以右大臣藤原顯光為左

大臣內大臣藤原公季為右大臣權大納言藤原賴通

為內大臣大鏡賴通道長之子也大鏡○攝政道長罷以賴

通攝政班左右大臣上○夏五月三條法皇崩壽三十

二○秋八月皇太子辨位立敦良親王為皇太弟大鏡初

三條帝之禪位也道長欲立敦良為上儲貳三條帝不

聽遂立敦明時敦明長帝十四歲長幼失序且其立非

道長之意及法皇崩在廷臣僚皆畏道長無起居東宮

者東宮僚屬亦皆懷顧慮不敢供其職門庭寂然可設

雀羅太子益不樂遂有遜位之志召道長子能信告以

其意能信往告道長道長大喜即白太后傳詔允其所

請賜號曰小一條院大鏡封戶仍舊給年官年爵受領吏

一津上皇

入鏡

道長既令太子遜位欲慰安其心乃進

女寬子以為其妃

大鏡

故事立太子必傳壺切劍及敦明

立有司誓緩竟不傳之人知其不終也

左經部

外史氏曰其哉道長之專也既逼

三條帝令遜其

位以擁立其外孫又立敦明為之儲貳以悅

三條

帝之意及一旦升遐陵土未乾又奪其位以立其外

孫天子拱默以受其制陵替至是可勝歎哉

○冬十一月以前攝政道長為太政大臣

記

○二年春

二月太政大臣道長罷

左經

○夏四月徙御新宮○冬

十月立女御藤原威子為中宮

如

威子道長女也

大鏡

三年春三月女真賊船五十餘艘寇對馬

按本書以女真稱刀伊然

載高麗牒狀云女真未知其稱刀伊以何故中右記載

刀伊陣法云文獻通考女真者同則刀伊為女真無疑

故今○夏四月盜火龍芳舍及藍園京師多盜數放火

劫掠救立賞格購索捕之○太宰府驛奏女真賊入壹

岐島殺守藤原理忠虜掠人民遂侵筑前怡土郡時藤

原隆家為太宰帥遣前少監大藤種村藤原昭範等距

戰遂破之賊徒逃去

小右記

隆家上諸將功朝廷賞種

材為壹岐守種材天慶中討藤原純友者對馬守春實

之孫也。鏡大初女貞寇西邊救符太宰府討之符未至隆

家發管内兵擊而却之奏捷京師公卿會議行賞權大

納言藤原公任中納言藤原行成等曰所下救符雖有

賞募之文而符未到府先既發兵不宜加賞大納言藤

原實資駁曰夫功者雖微必賞所以勸人也昔寬平中

新羅侵對馬島司文室善友不待救符擊走寇賊朝議

便如賞苟有功可錄何問救符到不到此而不賞將何

以勸後權大納言藤原齊信亦同其議遂從之。小右○

冬十二月以攝政賴通為關白○四年春二月總僧齊

信乘牛車出入宮門聽僧牛車始此。經記○冬閏十

二月太宰府言南蠻賊掠薩摩人詔討之。左○治安

元年夏五月左大臣藤原顯光薨○秋七月以右大臣

藤原公季為太政大臣關白內大臣賴通為左大臣職

仍舊大納言藤原實資為右大臣權大納言藤原教通

為內大臣。紀教通賴通之弟也○秋七月伊豫守源賴

光卒。伊豫守據小右賴光為人英武驍勇冠世善射以

將略稱歷事圓融華山一條三條及帝累官至正四位

上。尊卑伊豫守。小右長保中為東宮大進侍直時有狐

分脉

卧殿上太子命射之賴光一發中之太子感賞賜以寮

馬

今昔物語

賴光嘗夜過弟賴信宅宴飲適見繫一人於厩

中問彼何人賴信曰鬼同丸者也賴光曰彼固多力何

不敵其縛賴信乃令擊以鉄鎖鬼同丸聞而怨之爾夜

賴光醉卧賴信家鬼同丸脫鎖逃出潛上藻井將伺便

刺之賴光召從士警衛鬼同丸不得發聞其往鞍馬欲

要諸路乃赴鞍馬至市原殺野牛匿身其間以待之既

而賴光至源綱

源綱

劍泰

公時

姓

平定道平季武

從

定道

李

今昔物

賴光見牛群游令從士射之綱見斃牛射之牛

突然而起俄而鬼同丸跳出揮力逼賴光賴光挺刀斬

之遂墜其首人服其勇武

著聞集

○萬壽四年冬十二月

前攝政太政大臣道長薨年六十二

器

道長典摠機三

十餘年女為三朝后子為攝關政柄歸已黜陟任心

大鏡

一條已來天子屢幸其第錫賚重疊富過王室帝嘗患

瘡使僧綱祈禳賞絹不足乃取於其第給焉東三條第

嘗罹災課諸國營造取近衛府材木及神泉苑乾臨閣

石以充其用

小右記

尤信佛乘晚年創法成寺於京極擬

興福寺其奢侈如此病革徙居法成寺世稱法成寺攝

政外戚之盛古今無比云大鏡帝花物語○大納言藤原行成

薨記行成少有雅度一條帝時嘗在殿上與藤原實方

論事實方不勝怒直取其冠投之中庭行成神色自若

徐召小吏取冠著之帝適隔牖見之知其器度足任擢

藏人頭疏斥實方為陸奧守古事談訓抄○長元元年秋八

月前上總介平忠常反于下總殺安房守惟忠姓遣檢

非違使右衛門少尉平直方少志中原成道等討之官

符東海東山二道同討畧記○二年春二月彗星見代

記○夏六月遣檢非違使搜索平忠常家僮在京師者

○冬十月太政大臣公李薨贈正一位謚仁義畧是為

閑院祖尊昇分脉○三年春正月盜殺女子於豐樂院壇上

○安房守藤原光業畏平忠常棄印鑑還京師○夏四

月禁諸國吏管宅過制又禁六位已下版築作垣檜皮

葺屋畧○秋八月以追討使平直方討忠常無功赦甲

斐守源賴信率坂東諸國兵討忠常召還直方畧○

四年春二月先是耽羅人漂來至是給糧放還小右○

夏四月甲斐守源賴信言平忠常降畧○六月源賴信

以平忠常歸京師忠常病而道死斬首傳于京師畧初

賴信至常陸

按水書為賴信為常陸守時事誤今訂之

將攻忠常左衛門尉

平惟基諫曰

忠常依阻峻隘軍鋒甚銳難可猝攻請俟

兵集而行賴信不聽遂率兵赴下總惟基率騎三十來

會鹿島忠常臨湖列壘壁悉收舟楫

按湖依海蓋常總之際界以大

湖故記者誤作治耳今訂之

賴信至不得濟乃使大中臣成平往諭

以利害忠常不從賴信集眾問攻戰之策咸曰無船何

以濟軍賴信曰如環湖而行則勢緩矣機賊益固守今

賊恃險不設備如直濟而出其不意則可一鼓而拔不

如急攻之我嘗聞此水有淺所廣一丈許水僅及馬腹

豈軍中有知之者乎有真髮高文者進曰我濟之熟矣

請先渡遂馳入湖令一卒從其所往立葦為標於是全

軍亂流而進忠常果不設備見大眾至不敢距戰惶遽

出降軍士相謂曰吾徒生長此地而知其津渡不過數

人將軍始來而能知之殆非人之所及也今昔物語○九年

春三月帝弗豫○夏四月帝崩壽二十九在位二十一

年改元者四曰寬仁治安萬壽長元皇太弟立是為後

朱雀天皇

後朱雀天皇

諱敦良後一條帝母弟也

扶桑略記

寬仁元年

立為皇太弟長元九年七月即位日本紀○九月左馬

頭藤原保昌卒保昌左京大夫致忠之子也尊卑分脈為人

驍勇膂力過人精達武藝子甥源賴信等齊名訓保抄

昌嘗夜微行吹笛時有大盜袴垂者欲劫褫之衣踵行

里許抽刀逼之保昌停笛顧問其名袴垂不覺首服保

昌曰我嘗聞汝名汝亦非碌々者從吾而來復吹笛徐

行還家取絮衣与之曰乏則復來慎勿作劫今昔物語○長

曆元年秋八月立皇子親仁親王為皇太子○三年夏

六月禁內火帝徙御京極院畧記○長久元年夏五月京

師盜賊帶弓箭往來連夜行火又有群僧殺掠行人設

賞捕之春記○秋九月京極院火神鏡罹災帝徙御故正

三位藤原惟憲第畧記百鍊抄初天德寬弘時神鏡罹災然

形質不損至是銷亡僅收灰燼而已人以為朝廷陵夷

之兆畧聞集○冬十月徙御新宮○三年冬十二月禁內

火帝避之太政官朝所○四年春三月徙御一條院○

冬十二月一條院火徙御東三條院○寬德元年冬十

二月帝弗豫○二年春正月大漸傳位皇太子尋崩壽

三十七畧記先是帝親除目見大人於四季屏風上驚悸

得疾著聞帝風度明秀嚴峻有才然嗣白賴通專權以

故垂拱仰成無所施為世以為憾焉榮花物語神在位

十年改元者三曰長曆長久寬德皇太子立是為後冷

泉天皇

後冷泉天皇諱繼仁後朱雀帝長子也母贈皇太后藤

原氏長曆元年立為皇太子寬德二年四月即位扶衆

立尊仁親王為皇太弟皇年代初後朱雀帝違豫欲傳

位於帝而立親王為儲貳時賴通以親王非其出不欲

立之賴通弟能信探知其心密白後朱雀帝曰陛下欲

以二宮付何僧帝曰朕將立為東宮但關白言日緩之

故未命耳能信因慙慙之即日冊立使能信傳今鏡愚

訓○冬十二月徙自京極第御太政官朝所○永承元

年春正月右大臣藤原實資薨記實資資性忠恪不阿

權貴初上東門院入內止道長要一時名輩作和歌以

裝屏風藤原公任為其選首奉山法皇亦有御製實資

獨拒不作乃歎口豈有身為列卿而受大臣命作其屏

風和歌者乎我未之聞也況上皇之尊乎公任身出華

貴職典廷尉當自異常流而阿從之甚何心敢爾道長

使人懇祈竟固辭不作小右記實資少有操行人或姍笑

之實資不以為意益加勉勵嘗移居新宅適失火眾皆

求救實資止之徐駕車而出唯携笛人服其曠達稱

為賢右府十訓其日錄曰小右記本朝書太政官朝

所火帝避之大膳職夏四月徙自大膳職御內大臣

藤原教通二條第冬十月徙御新官二年秋七月

以內大臣藤原教通為右大臣略權大納言藤原賴宗

為內大臣賴宗道長之子也補公卿冬十二月流筑前

人清原宇武於佐渡以私之宋也三年冬十一月禁

內火略徙御京極院六年春正月小一條院薨

秋七月冷泉院成徙御焉天喜元年秋七月徙御

關白賴通賀陽院第二年春正月賀陽院火徙居冷

泉院

二月又徙御關白賴通四條第三年春三月

左近衛少將藤原忠俊徙士挺又通御座藏人源齊賴

捕獲之四年一條院成徙御焉秋七月

星見東方代八月陸奧上豪安倍賴時作亂命陸

奧守兼鎮守府將軍源賴義討之帝上編年記賴時祖

父忠賴父忠良世居陸奧為東夷酋長至賴時勢益強

大橫行陸奧劫掠人民部落皆服遂為六郡酋長

陸奧今昔物語○六郡謂伊次西界白河關東抵率上濱衣加賀江刺押田志渡岩手

川形勝當其中央據險設關名曰衣關跨有海陸資產

豐饒東鑑文治五年不輸貢賦不供徭役國守不能制永承中

宇藤原登任發兵討之不克至是朝議以賴義為陸奧

守鎮守府將軍討之扶桑略記賴義賴信之子也系國五年

初賴義之討賴時也會有大赦許賴時自新賴時大喜

罷兵賴義任終視事鎮守府賴時贈以駿馬金寶厚賂

士卒賴義歸國府路宿阿久利川有人夜所藤原光貞

營殺傷人馬賴義召光貞問宿昔無有取怨耶對曰賴

時長子貞任嘗欲聘我妹我賤其門地不許意彼所為

也賴義令收貞任賴時怒曰人之在世誰不愛妻子貞

任雖不才我豈忍坐視其死乎我衆固足距戰不如閉

關俟其來攻也戰若不利國族並死亦無怨遂閉關復

及今昔物語○秋九月賴義子賴時戰賴時中流矢而

死○冬十一月賴義率兵十餘擊貞任於河崎棚時方

閉營官軍絕食貞任偵其疲勞擊之官軍人敗死亡殆

盡賴義餘六騎賴義長子義家驍勇絕倫騎射如神以大

鐵箭射賊軍所中必斃賊兵披靡無敢當者時賊兵二百餘張左右翼圍攻矢下如雨義家連射斃賊帥賊以為神遂解圍而去記○十二月先是賴義任滿以藤原良經為陸奧守然以賊未平辭不赴任至是以良經為兵部大輔命賴義再任以源齊賴為出羽守共討貞任齊賴遷延無討賊之心於是貞任益猖獗劫掠人民記○康平元年春二月禁內火延燒大極殿中院朝集堂○二年春正月一條院火帝徙御關白賴通三條第記是歲盜屢行火皇居百鍊○三年夏六月河內言

盜發磯長山田陵記

○秋七月關白賴通罷左大臣以

右大臣藤原教通為左大臣內大臣藤原賴宗為右大

臣權大納言藤原師實為內大臣師實賴通之子也公卿

補○八月賀陽院成徙御焉○四年冬十二月以關白

賴通為太政大臣職仍舊記○五年秋九月關白賴通

罷太政大臣補初後朱雀帝大漸頹命賴通輔帝而欲

以尊仁親王為帝儲貳賴通意不欲之弟能信諷帝立

之以故賴通子東宮不悅外居宇治不預機密今鏡愚

舊物○安部貞任伏誅先是朝廷以源賴義任滿以高

階經重代之國民素服賴義威名不受經重指揮經重
遂歸京師賴義銳意勦賊遣使諭出羽豪族清原光賴
及弟武則為援至是武則率子弟部下萬餘人來屬兵
勢大振進攻貞任叔父僧良照小松柵拔之貞任率兵
逆戰大敗走保衣川柵賴義進擊又拔之貞任退保鳥
海柵又攻拔之貞任走保厨川柵其地西北大澤二面
阻河岸高三丈餘柵上構譙樓墮中布以鉄蒺藜守備
甚固官軍又圍之貞任發矢石澆沸湯拒守甚力賴義
使士卒毀屋填塹芟艸積岸縱火燒之會大風暴起煙

焰漲天樓櫓墨柵一時蕩盡賊軍大亂貞任揮刀出戰

官軍攢拚刺殺之貞任子千世童年十三善戰亦為官

軍所獲貞任弟宗任家任等出降餘黨悉平陸奧誌記○六

年春二月賞源賴義及子義家義綱清原武則等功進

官爵各有差○三月豐樂院火○興福寺僧靜範發狹

城角列池後陵盜寶物○冬十月流僧靜範于伊豆其

黨十六人于諸國○七年春三月伊豫守源賴義以降

虜至京師略記百鍊抄賴義東征九年平賊至是凡十一年

始歸京師○治曆元年春正月右大臣藤原賴宗薨○

二月前右大臣藤原賴宗薨○夏六月以內大臣藤原
師實為右大臣權大納言源師房為內大臣師房具平
親王之子也記畧○三年冬十二月賴通罷關白特勅咨
詢政事補任一記○四年夏四月以左大臣藤原教通為
關白○帝崩於賀陽院壽四十四在位二十四年改元
者四曰永承天喜康平治曆皇太弟立是為後三條天
皇畧記

皇朝史畧卷之六終